

UGOVOR O LICENCI S KRAJNJIM KORISNIKOM ZA BLACKBERRY KLIJENT

Ovaj klijentski softver (u daljem tekstu: „**klijent**“) pruža kompanija BlackBerry Limited ili njena podružnica ili pridruženo društvo (u daljem tekstu: „**BLACKBERRY**“) i taj softver se pruža isključivo za upotrebu vezanu za povezani poslovni serverski softver i usluge (u daljem tekstu: „**serverski softver**“), koji se ovdje zajedno s klijentom i upravljanim aplikacijama definiranim niže u tekstu (zajedno „**Klijentski softver**“) naziva „**Rješenje**“.

Za instalaciju, aktivaciju ili upotrebu bilo kojeg klijentskog softvera, morate ili (a): (i) zaključiti sa kompanijom BLACKBERRY Ugovor o licenci za BlackBerry rješenje, uključujući bilo koji dodatak ili dodatne odredbe koje se odnose na rješenje (u daljem tekstu: „**BBSLA**“) u svoje vlastito ime; i (ii) ako je to potrebno za Vaše rješenje, pribaviti i platiti naknade, ako postoje, za Licencu za klijentski pristup za instalaciju, aktivaciju i upotrebu klijentskog softvera na Vašem uređaju; ili (b) biti ovlašteni za instaliranje, aktiviranje i upotrebu klijentskog softvera u ime Vašeg poslodavca ili druge pravne osobe (u daljem tekstu: „**licencirana pravna osoba**“) koja je: (i) zaključila ugovor BBSLA, (ii) upoznala Vas sa odredbama vezanim za Vašu upotrebu klijentskog softvera na osnovu BBSLA-a, (iii) pristala biti odgovorna za Vašu upotrebu klijentskog softvera; i (iv) ako je to potrebno za rješenje Vaše licencirane pravne osobe, pribavila i platila naknade, ako postoje, za licence za klijentski pristup za instalaciju, aktivaciju i upotrebu tog klijentskog softvera na Vašem uređaju.

Vaša organizacija može koristiti Rješenje za izvršenje softvera Upravljanje mobilnom aplikacijom (Mobile Application Management, MAM) tako da Vam omogući aplikacije koje su dizajnirane za ličnu upotrebu ili na particiji za radni prostor Vašeg uređaja („**Upravljanje aplikacije**“) uključujući softverske aplikacije koje pruža treća strana. Takve aplikacije se smatraju softverom treće strane na osnovu BBSLA-a. Softver treće strane može uključivati dodatne odredbe i uvjete između Vas i Vaše licencirane pravne osobe i osobe koja pruža softver treće strane, koje odredbe i uvjeti regulišu upotrebu tog softvera. BLACKBERRY nije odgovoran za softver treće strane i sva pitanja ili nedoumice u pogledu tog softvera trebaju biti upućena osobi koja pruža softver treće strane.

Vaša organizacija može koristiti Rješenje za izvršenje funkcija softvera Upravljanje mobilnim uređajem (Mobile Device Management, MDM) na uređaju, uključujući prikupljanje ličnih podataka. Vaša organizacija je odgovorna za prikupljanje, obradu, korišćenje i upravljanje svih podataka prikupljenih pomoću Rješenja.

Uz gornje, ako klijentski softver pribavite iz iTunes trgovine aplikacijama kompanije Apple, potvrđujete i saglasni ste, u ime licencirane pravne osobe u čije ime ste ovlašteni instalirati, aktivirati i koristiti klijentski softver, ili, ako niste na taj način ovlašteni, Vi potvrđujete i saglasni ste u svoje vlastito ime, da (i) kompanija Apple nema nikakvih odgovornosti za taj klijentski softver, uključujući bez ograničenja njegovo funkcioniranje, održavanje i podršku, niti za bilo koji zahtjev treće strane u kojem se tvrdi da taj klijentski softver krši prava intelektualnog vlasništva treće strane. Ako klijentski softver ne bude u skladu sa bilo kojom primjenjivom garancijom, možete obavijestiti kompaniju Apple i kompanija Apple će izvršiti povrat cijene

plaćene za taj klijentski softver, ako postoji, i, do maksimalnog opsega dopuštenog primjenjivim zakonom, kompanija Apple neće imati nikakve druge odgovornosti u pogledu garancije za klijentski softver; (ii) kompanija Apple i njene podružnice predstavljaju treće strane – korisnice ovog ugovora, te imaju pravo (i smatrat će se da su to pravo prihvatile) provesti ovaj ugovor kao treća strana – korisnica.

KLIKANJEM DOLJE PRIKAZANOG „PRISTAJEM“ ILI INSTALIRANJEM, AKTIVIRANJEM ILI KORIŠTENJEM BILO KOJEG KLIJENTSKOG SOFTVERA, POTVRĐUJETE DA STE PROČITALI, RAZUMJELI I PRISTALI NA OBAVEZE I POSTUPANJE U SKLADU SA OVIM UGOVOROM TE IZJAVLJUJETE KOMPANIJI BLACKBERRY DA SU UVJETI NAVEDENI U STAVU (a) ILI (b) GORE U TEKSTU ZADOVOLJENI. AKO NE PRIHVATATE OVAJ UGOVOR ILI NE ISPUNJAVATE NI JEDAN GORE NAVEDENI USLOV, NE SMIJETE INSTALIRATI, AKTIVIRATI NITI KORISTITI KLIJENTSKI SOFTVER.